



# JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010  
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 33-02-4929/20  
Zenica, 04.09.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

## ODLUKU

### I

Vrši se odabir ponude ponuđača "BERG" D.O.O. SARAJEVO u predmetu javne nabavke robe potrošni medicinski materijal za CT aparat za potrebe Odjela radiološke dijagnostike JU Kantonalna bolnica Zenica, ukupne vrijednosti ponude 18.375,00 KM bez PDV-a na dvogodišnjem nivou (tender broj: 11-62/20), i dodjeljuje se okvirni sporazum odabranom ponuđaču na ukupnu vrijednost ponude u iznosu od 18.375,00 KM bez PDV-a na dvogodišnjem nivou.

### II

Sa odabranim ponuđačem iz tačke I ove Odluke a nakon pravosnažnosti iste, zaključit će se okvirni sporazum na dvogodišnjem nivou na ukupnu vrijednost ponude u predmetnoj nabavci u iznosu od 18.375,00 KM bez PDV-a.

### III

Javna nabavka je provedena putem otvorenog postupka sa namjerom provođenja e-aukcije.

### IV

Ova odluka stupa na snagu danom donošenja.

## OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku robe: Potrošni medicinski materijal za CT aparat za potrebe Odjela radiološke dijagnostike za potrebe JU KBZ (TENDER BR. 11-62/20) imenovana Odlukom direktora broj: 01-02-532-1/20 od 23.07.2020. godine podnosi direktoru JU Kantonalna bolnica Zenica izvještaj o provedenom postupku javne nabavke robe - Potrošni medicinski materijal za CT aparat za potrebe Odjela radiološke dijagnostike za potrebe JU Kantonalna bolnica Zenuca (tender broj: 11-62/20).

Odlukom direktora broj 01-02-532/20 od 23.07.2020. godine pokrenut je postupak javne nabavke robe: Potrošni medicinski materijal za CT aparat za potrebe Odjela radiološke dijagnostike za potrebe JU KBZ (TENDER BR. 11-62/20), ukupne procijenjene vrijednosti 18.400,00 KM bez PDV-a, putem otvorenog postupka, a u skladu sa članom 19. st.1. Zakona o javnim nabavkama.

Komisija je utvrdila sljedeće:

Komisija je utvrdila sljedeće:

- da je na portalu „E-nabavke“ dana 24.07.2020. godine, objavljeno je obavještenje o nabavci broj 669-1-1-303-3-288/20 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 12.08.2020. godine,
- Da je planirano zaključivanje okvirnog sporazuma o javnoj nabavci roba sa jednim ponuđačem na period od 2 /dvije/ godine;
- da na portalu „E-nabavke“ nije bilo postavljenih upita vezano za predmetnu nabavku,
- Da je sa portala „E-nabavke“ tendersku dokumentaciju objavljenju 22.05.2020. godine, preuzelo ukupno 14 (četnaest) potencijalnih ponuđača
- da je javno otvaranje ponuda bilo dana 12.08.2020. godine u 10,00 sati
- da na javnom otvaranju ponuda nisu prisustvovali predstavnici ponuđača,
- da je na (tender broj 11-62/20), u predviđenom roku pristiglo ukupno 1 (jedna) ponude i to ponude ponuđača:

### 1. „BERG“ D.O.O. SARAJEVO

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	Cijena tehnički zadovoljavajuće ponude
1.	„BERG“ D.O.O. SARAJEVO	Ukupna cijena ponude (bez PDV-a): <u>18.375.00 KM</u>

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

Ponuđač je dužan u svrhu dokazivanja lične sposobnosti (član 45. ZJN BiH) dokazati da:

**a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;**

b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

**U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.**

**Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.**

**Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze u svrhu dokazivanja činjenica potvrđenih u izjavi i to:**

a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

**Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.**

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

## 12.2. Profesionalna sposobnost

Ponuđač je dužan u svrhu dokazivanja sposobnosti obavljanja profesionalne djelatnosti (član 46. ZJH BiH) dokazati da je:

- a.) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,
- b.) upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH,
- c.) da je ovlaštenu distributer za predmet javne nabavke

U svhu dokazivanja uslova iz tačke a) ponudjač je dužan dostaviti aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz tačke b.) aktuelni-važeći dokument/rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.

U svrhu dokazivanja uslova iz tačke c.) važeća autorizacija proizvođača ili glavnog distributera ponuđenih medicinskih sredstava.

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude.

Ponudjač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponudjača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

### **12.3. Ekonomsko-finansijska sposobnost**

Ponudjač je dužan u svrhu dokazivanja ekonomsko i finansijske sposobnosti kandidata (član 47. ZJN BiH) dokazati da:

- a) Da je glavni transakcijski bankarski račun ponudjača aktivan

**U svrhu dokazivanja uslova ponudjač je dužan dostaviti:**

- **Izjavu ovjerenu od strane ponudjača, koja je dostavlja u formi iz Priloga broj 9. TD, koja ne smije biti starija od 15 /petnaest/ dana od dana predaje ponude i dostavljanje:**
- potvrda banke ponudjača da ponudjač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 15 /petnaest/ dana računajući od dana dostavljanja ponude.

Ponudjač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

**Ukoliko ponudu dostavlja grupa ponudjača, svaki član grupe je dužan dostaviti ovjerenu izjavu.**

### **12.4. Tehnička i profesionalna sposobnost**

**Ponudjač je dužan u svrhu dokazivanja tehničke i profesionalne sposobnosti (član 48. i 49. ZJN BiH) dokazati da:**

- a) da su sva ponudjena sredstva upisana u Registar medicinskih sredstava kod Agencije za lijekove i medicinska sredstva,
- b) da ponudjena medicinska oprema posjeduje odgovarajuće uvjerenje o kvalitetu izdato od strane organa ovlaštenog za verifikaciju proizvođača (samo ukoliko medicinskih sredstava traženih javnom nabavkom nema upisanih u registru sredstava kod Agencije za lijekove i medicinska sredstva BiH)
- c) dostaviti uzorke ponudjenih artikala na zahtjev ugovornog organa.

U svrhu dokazivanja uslova tehničke i profesionalne sposobnosti ponudjač je dužan dostaviti:

- a) ponudjač je dužan dostaviti obične kopije dokumenata (Rješenje ili potvrdu o upisu sredstva u Registar lijekova i medicinskih sredstava kod Agencije za lijekove i medicinska sredstva).
- b) EC –Certifikat o uskladenosti ili izjave proizvođača o uskladenosti ponudjenog medicinskog sredstva s evropskom direktivom (Declaration of Conformity), obična kopija,
- c) Izjava ponudjača da će uz isporuku medicinskog sredstva dostaviti ovjerenu kopiju saglasnosti za uvoz medicinskog sredstva izdatog od strane Agencije za lijekove i medicinska sredstva BiH (originalan dokument),

**NAPOMENA:** Primjena uslova za dokazivanja tehničke sposobnosti kandidata (Član 48. i 49. ZJN BiH) pod b), i dokaza traženih za ispunjavanje navedenog uslova ( pod b) i c)) primjenjuje se samo ukoliko ne bude ponuđenih medicinskih sredstava upisanih u registar kod Agencije za lijekove i medicinska sredstva BiH i ukoliko ista ne budu ponuđena. Neregistrovano sredstvo će se nabavljati po proceduri i uvjetima utvrđenim Pravilnik o proizvodnji i prometu na veliko medicinskih sredstava (Službeni glasnik BiH broj 71/12).

Za ponudjače koji ponude medicinsko sredstvo upisano u registar kod Agencije za lijekove i medicinska sredstva BiH, ne traži se ispunjavanje uslova pod b). i dokaza pod b) i c).

- d) Izjava da će na zahtjev Ugovornog organa dostaviti uzorke ponudjenih proizvoda sa deklaracijom na jednom od govornih jezika u BiH na zahtjev ugovornog organa,

**NAPOMENA:**

Ukoliko se utvrdi da uzorak u potpunosti ne ispunjava tražene zahtjeve iz tehničke specifikacije, ponuda ponuđača će biti ocjenjena kao neprihvatljiva za ugovorni organ i kao takva odbačena.

**Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova.**

Ako je period od registracije/osnivanja ponuđača kraći od perioda za koji ugovorni organ zahtijeva izjave i dokumente koji se odnose na ekonomsko i finansijsko stanje i tehničku i profesionalnu sposobnost ponuđača, dobavljač treba dostaviti dokumente samo za period od svoje registracije/osnivanja.

**12.5. Izjave o uslovima isporuke:**

Ponuđač je dužan dostaviti sljedeće izjave kao sastavni dio TD:

- Izjava ponuđača o prihvatanju roka plaćanja, da će se plaćanje za isporučenu robu vršiti u roku od 60 (šezdeset) dana od dana prijema fakture na protokol Ugovornog organa u skladu sa tačkom 31. TD ,
- Izjava ponuđača o mjestu isporuke- Bolnička apoteka JU Kantonalna bolnica Zenica, u skladu sa tačkom 10. TD.
- Izjava ponuđača da je rok isporuke predmetne robe najranije u roku od 24 sata od prijema pismene narudžbe, a najkasnije u roku od 7 (sedam) dana od dana slanja narudžbe ugovornog organa, u skladu sa tačkom 11. TD
- Izjava ponuđača da prihvata elektronsku dostavu narudžbi, putem službenog e-maila ponuđača,
- Izjava ponuđača da je opcija važenja ponude 120 (stotinudvadeset) dana u skladu sa tačkom 23. TD
- Izjava ponuđača da u zadnje 3 (tri) godine nije imao raskid ugovora o isporuci robe kod ugovornog organa-JU KB Zenica, zbog neizvršenja ugovornih obaveza,
- Izjava ponuđača da će nakon odluke o izboru na službeni mail ugovornog organa dostaviti elektronski popunjen obrazac za cijenu ponude, Prilog broj 2,
- Izjavu ponuđača kojom se obavezuje na nošenje tromjesečnih zaliha,
- Izjava o nepromjenjivosti cijena za vrijeme trajanja okvirnog sporazuma
- Izjava ponuđača da ukoliko nudi ekvivalentni materijal da će isti u potpunosti odgovarati za aparat Vircell i da upotreba takvih materijala neće dovesti do povećanog trošenja materijala i davanja netačnih rezultata analiza.

U slučaju da se nude reagensi kao ekvivalent traženom potrebno je dostaviti:

-Potvrdu proizvođača da je predmet nabavke koji se nudi na predmetnom aparatu kao ekvivalent, stvar iste vrijednosti kao i originalni materijal, da dostavi validaciju/potvrdu proizvođača sa urađenom kontrolom kvaliteta, te potvrda da ekvivalent koji je aplikabilan na odgovarajuću tehnologiju omogućava preciznost, linearnost i pouzdanost rada navedenog uređaja.

**PODACI O PONUDI**

**13. Sadržaj i način pripreme ponude**

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilničnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

**PONUDA MORA SADRŽAVATI:**

- a) Osnovne podatke o ponuđaču na memorandumu ponuđača (adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za dostavljanje ponude sa popisanom dokumentacijom koja čini sastavni dio ponude; Prilog broj 1;
- c) Obrazac za cijenu ponude, Prilog broj 2;
- d) Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama - Prilog broj 3, ovjerena od strane nadležnog organa (općinskog organa uprave, suda ili notara);
- e) Obične kopije dokumenata kojima ponuđač dokazuje ispunjenost uslova iz člana 46. ZJN,
- f) Obične kopije dokumenata/dokaza kojima ponuđač dokazuje tehničku i profesionalnu sposobnost. Izjave pod tačkom c) i d) se dostavljaju kao originalan dokument. (član 48. i 49. Zakona)
- g) Izjave ponuđača o uslovima isporuke iz tačke 12.5. TD,
- h) Obrazac izjave o dostavi garancije za uredno izvršenje okvirnog sporazuma, Prilog broj 4,
- i) Pismena izjava ponuđača iz člana 52. Zakona o javnim nabavkama, Prilog broj 5,
- j) Obrazac povjerljive informacije, Prilog broj 6,
- k) Potpisan, popunjen i ovjeren Nacrt okvirnog sporazuma, Prilog broj 7,
- l) Obrazac izjave o prihvatanju općih i posebnih uslova tenderske dokumentacije, Prilog broj 8,
- m) Izjava i obične kopije dokumenata kojima dokazuje da ispunjava tražene uslova iz člana 47. ZJN - Prilog broj 9 TD,
- n) Original uvjerenja vanjskotrgovinske komore iz Bosne i Hercegovine u slučaju da ponudjač podliježe primjeni preferencijalnog tretmana domaćeg.

Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

**Komisija koja provodi predmetnu javnu nabavku konstatuje da je ponuđač „BERG“ D.O.O. SARAJEVO, uz ponudu za nabavku roba - potrošni medicinski materijal za CT aparat za potrebe Odjela radiološke dijagnostike za potrebe JU Kantonalna bolnica Zenica dostavio sljedeće dokumente, i to:**

1. Naslovna strana na memorandum ponuđača, potpisana i ovjerena od strane ovlaštenog lica
2. Specifikacija priložene dokumentacije koja čini sastavni dio ponude, na memorandum ponuđača, potpisana i ovjerena od strane ovlaštene osobe
3. Osnovni podaci o ponuđaču, na memorandum ponuđača, potpisana i ovjerena od strane ovlaštene osobe
4. Ovlaštenje za pripremu ponude na ime Bakir Baščaušević, na memorandum ponuđača, potpisana i ovjerena od strane ovlaštene osobe
5. Obrazac za dostavljanje ponude sa popisom dostavljene dokumentacije uz ponudu, Prilog broj 1, popunjen, ovjeren i potpisan od strane ovlaštene osobe
6. Obrazac za cijenu ponude, Prilog broj 2, popunjen, ovjeren i potpisan od strane ovlaštene osobe
7. Izjava o ispunjavanju sulova iz člana 45. Stav (1) tačke od a) do d) ZJN BiH, Prilog broj 3, ovjerena od strane nadležnog organa dana 10.08.2020. godine
8. Uvjerenje Suda BiH, broj: Su-03-3961/20 od 01.06.2020. godine, ovjerena od strane nadležnog organa dana 10.08.2020. godine
9. Uvjerenje Općinskog suda u Sarajevu, broj: 65 0 Kr 005587 20 od 01.06.2020. godine, ovjerena od strane nadležnog organa dana 10.08.2020. godine Uvjerenje o činjenicama iz službene evidencije Općinskog suda u Sarajevu, broj: 065-0-R-20-001094 od 01.06.2020. godine, ovjerena od strane nadležnog organa dana 10.08.2020. godine
10. Uvjerenje Općinskog suda u Sarajevu, broj: 065-01-SU-20-001953 od 01.06.2020. godine, ovjerena od strane nadležnog organa dana 10.08.2020. godine
11. Uvjerenje Porezne uprave FBiH, Kantonalni porezni ured Sarajevo, Porezna ispostava Novo Sarajevo, broj: 13-9/3-12-5-3167/20 od 01.06.2020. godine, ovjerena od strane nadležnog organa dana 10.08.2020. godine
12. Uvjerenje Uprave za indirektno oporezivanje, Regionalni centar Sarajevo, broj: 02/6/II-16-11-20-4038/20 od 01.06.2020. godine, ovjerena od strane nadležnog organa dana 10.08.2020. godine
13. Obrazac izjave o dostavi garancije za uredno izvršenje okvirnog sporazuma, Prilog broj 4, potpisan i ovjeren od strane ovlaštenog lica
14. Pismena izjava iz člana 52. ZJN BiH, Prilog broj 5, ovjeren od strane nadležnog organa dana 10.08.2020. godine
15. Obrazac za povjerljive informacije (nema povjerljivih informacija) Prilog broj 6, popunjen, ovjeren i potpisan od ovlaštenog lica
16. Nacrt okvirnog sporazuma, popunjen, ovjeren i potpisan od strane ovlaštene osobe
17. Aktuelni izvadak iz sudskog registra Općinskog suda u Sarajevu, broj: 065-0-RegZ-20-003664 od 01.06.2020. godine, kopija ovjerena od strane nadležnog organa dana 10.08.2020. godine
18. Rješenje Agencije za lijekove i medicinska sredstva BiH, broj: 10-07.12-6-9019-1/18 od 14.12.2018. godine, kopija ovjerena od strane nadležnog organa dana 10.08.2020. godine
19. Rješenje o izmjeni rješenja Agencije za lijekove i medicinska sredstva BiH, broj: 10-07.12-6-9019-3/18 od 08.04.2019. godine, kopija ovjerena od strane nadležnog organa dana 10.08.2020. godine
20. Autorizacija izdata od proizvođača Bayer, kopija
21. Izvještaj Centralne banke na dan 01.06.2020. godine, kopija ovjerena od strane nadležnog organa dana 10.08.2020. godine
22. Potvrda Raifaisen bank dd filijala Sarajevo, broj: 01926/20 od 29.05.2020. godine, kopija ovjerena od strane nadležnog organa dana 10.08.2020. godine
23. Potvrda UniCredit bank, broj: SJ08-4-6-20-979 od 04.06.2020. godine, kopija ovjerena od strane nadležnog organa dana 10.08.2020. godine
24. Vrda Intesa Sanpaolo banka broj: 127/20 od 01.06.2020. godine, kopija ovjerena od strane nadležnog organa dana 10.08.2020. godine
25. Potvrda Agencije za lijekove i medicinska sredstva BiH, broj: 06-07.4-1-5807-1/16 od 16.01.2017. godine o upisu u Registar medicinskih sredstava, kopija ovjerena od strane nadležnog organa dana 10.08.2020. godine
26. Potvrda Agencije za lijekove i medicinska sredstva BiH, broj: 06-07.4-1-5580-6/17 od 22.01.2018. godine o upisu u Registar medicinskih sredstava, kopija ovjerena od strane nadležnog organa dana 10.08.2020. godine
27. Agencije za lijekove i medicinska sredstva BiH, broj: 06-07.4-1-7302-1/16 od 02.03.2017. godine o upisu u Registar medicinskih sredstava, kopija ovjerena od strane nadležnog organa dana 10.08.2020. godine
28. EC Declaration of Conformity sa prilogom
29. Izjava ponuđača o dostavi uzoraka, potpisan i ovjerena od strane ovlaštenog lica
30. Izjava ponuđača o saglasnosti za uvoz neregistrovanog materijala, potpisan i ovjerena od strane ovlaštenog lica
31. Izjava ponuđača o dostavi uzoraka sa deklaracijom, potpisan i ovjerena od strane ovlaštenog lica
32. Obrazac izjave o prihvatanju općih i posebnih uslova iz TD, Prilog broj 8, potpisan i ovjeren od strane ovlaštene osobe
33. Izjava o ispunjavanju uslova iz člana 47. Stav (1) tačka od a) do d) i (4) ZJN BiH, Prilog broj 9, potpisan i ovjeren od strane ovlaštene osobe
34. Izjava ponuđača o roku plaćanja, potpisan i ovjerena od strane ovlaštenog lica
35. Izjava ponuđača o roku i mjestu isporuke, potpisan i ovjerena od strane ovlaštenog lica
36. Izjava ponuđača o roku važenja ponude, potpisan i ovjerena od strane ovlaštenog lica
37. Izjava ponuđača o elektronskoj korespondenciji, potpisan i ovjerena od strane ovlaštenog lica

38. Izjava ponuđača o nepostojanju raskoda ugovora, potpisan i ovjerena od strane ovlaštenog lica
39. Izjava ponuđača o elektronskom obrascu nakon izbora, potpisan i ovjerena od strane ovlaštenog lica
40. Izjava ponuđača o tromjesečnim zalihama, potpisan i ovjerena od strane ovlaštenog lica
41. Izjava ponuđača o nepromjenjivosti cijena, potpisan i ovjerena od strane ovlaštenog lica
42. Izjava ponuđača o originalnim ponuđenim materijalima, potpisan i ovjerena od strane ovlaštenog lica

**Analizom ponude ponuđača „BERG“ D.O.O. SARAJEVO, Komisija koja provodi predmetnu javnu nabavku utvrdila je da je ponuda dostavljena u skladu sa uslovima iz TD, da je ista numerisana, uvezana, da je dostavljena KOPIJA ponude i ORIGINAL ponude a sve u skladu sa zahtjevima koje je postavio ugovorni organ u tački 14. TD.**

**Nadalje, da je ponuđač „BERG“ D.O.O. SARAJEVO dostavio sve dokumente, obrasce i izjave, ovjerene od strane nadležnog organa i ovlaštenog lica, a sve u skladu sa uslovima koji su propisani TD koja je objavljena na Portalu javne nabavke, pod brojem obavještenja: 669-1-1-303-3-288/20 dana 24.07.2020. godine, a da je od strane imenovanog ponuđača prema izvještaju Portala ista preuzeta. Zadovoljeni su svi uslovi iz tačke 12. TD za kvalifikaciju ponuđača i dostavljene ponude i to u pogledu:**

- lične sposobnosti iz člana 45. ZJN BiH u skladu sa tačkom 12.1. TD,
- profesionalne sposobnosti ponudjača iz člana 46. ZJN BiH u skladu sa tačkom 12.2. TD
- ekonomsko-finansijske sposobnosti iz člana 47. ZJN BiH u skladu sa tačkom 12.3. TD,
- tehnička sposobnost iz člana 48. i 49. ZJN BiH u skladu sa tačkom 12.4. TD
- Izjave ponuđača u skladu sa tačkom 12.5. TD o uslovima isporuke, garanciji i pružanju servisne podrške, potpisane i ovjerene pečatom ponuđača

**Ponuđač je kao sastavni dio ponude u predmetnoj javnoj nabavci dostavio i svu potrebnu dokumentaciju u skladu sa članom 45. ZJN BiH propisane u tačkom 12.1. TD, te u slučaju da Ugovorni organ donese Odluku o izboru najpovoljnijeg ponuđača u ovom slučaju „BERG“ D.O.O. SARAJEVO, isti neće biti dužan dostavljati dokumentaciju jer je ista dostavljena kao sastavni dio ponude.**

**Ponuđač „BERG“ D.O.O. SARAJEVO ne ispunjava uslove za primjenu preferencijalnog tretmana domaćeg obzirom da nije postupio u skladu sa tačkom 17.a. TD i dostavio traženu dokumentaciju na osnovu koje bi se na imenovanog primjenjivao preferencijalno tretman.**

**Nakon dostavljanja kopije ponude predsjednici Komisije utvrđeno je da tehnička specifikacija ponuđene robe ponuđača „BERG“ D.O.O. SARAJEVO zadovoljava sve postavljene uslove iz Obrasca za cijenu ponude Prilog broj 2 TD, i kao takva je prihvatljiva Ugovornom organu.**

**Prema svemu gore navedenom ponuda ponuđača „BERG“ D.O.O. SARAJEVO u predmetu javne nabavke robe – potrošni medicinski materijal za CT aparat za potrebe Odjela radiološke dijagnostike JU Kantonalna bolnica Zenica u cjelosti zadovoljava kvalifikacione uslove i tehničke karakteristike postavljene u objavljenoj TD, i kao takva je u cjelosti prihvatljiva Ugovornom organu.**

Nakon toga prišlo se na ocjenu ponude u skladu sa utvrđenim kriterijima.

U tenderskoj dokumentaciji za nabavke robe: potrošni medicinski materijal za CT aparat za potrebe Odjela radiološke dijagnostike za potrebe JU Kantonalna bolnica Zenica na period od 2 (dvije) godine (tender broj: 11-62/20), JRJN oznaka predmeta nabavke: 33000000-0 Medicinske naprave, lijekovi i proizvodi za osobnu njegu, ukupna vrijednost nabavke iznosi 18.375,00 KM, bez uračunatog PDV-a na dvogodišnjem nivou.

a) Najniža cijena tehnički zadovoljavajuće ponude

Također, tenderskom dokumentacijom planirano je provođenje e-aukcije.

Obzirom da je nakon provjere kvalificiranosti ponuđača utvrđeno da samo jedan ponuđač ispunjava kvalifikacione uslove tražene TD provođenje e-aukcije (koliko je se i prijavilo) u tom slučaju se ne provodi iz objektivnih razloga, u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj 66/16) i kriterijima za dodjelu ugovora definisanim tenderskom dokumentacijom.

R. BR. PONUDE	PONUĐAČ	CIJENA
1.	„BERG“ D.O.O. SARAJEVO	18.375.00 KM

Procijenjena vrijednost nabavke je 18.400,00 KM bez PDV-a.

**Na osnovu navedenog Komisija koja provodi predmetnu javnu nabavku jednoglasno donosi odluku da se direktoru JU Kantonalna bolnica Zenica predloži odabir ponude ponuđača „BERG“ D.O.O. SARAJEVO kao jedinog i prihvatljivog ponuđača za nabavku robe - potrošni medicinski materijal za CT aparat za potrebe Odjela radiološke dijagnostike za potrebe JU Kantonalna bolnica Zenica na period od 2 (dvije) godine (tender broj 11-62/20) i zaključivanje okvirnog sporazuma na period od 2 (dvije) godine, na ukupnu cijenu ponude u visini od 18.375,00 KM (bez PDV-a).**

Na osnovu gore navedenog, donesena je odluka kao u dispozitivu.

**POUKA O PRAVNOM LIJEKU:**

**Protiv ove odluke može se uložiti žalba  
Kantonalnoj bolnici Zenica u roku od 10 /deset/  
dana od dana prijema iste.**



*Anela J. Anufrić*

